

玉海

辭學指南

十四

鄭注不可廢自商瞿之後雖有異家之學同以象數

為宗數年後乃有王弼之說輔嗣又出於費氏於馬鄭易

康成注本無乾傳泰傳字輔嗣加伏曼容曰何

晏疑易中九事孔穎達曰輔嗣之意象本釋經宜

相附近分爻之象辭各附當爻則費氏時猶言今乾

卦象象擊卦之末歟古文始變於費氏大亂

魏易傳

正始六年十二月辛亥詔司徒王朗所

令學者得以課試子肅撰定關駟注

肅三十卷王釋文引西都有丁丘言

馬鄭

吳虞翻易注

隋志虞翻注九卷釋文序卷陸績注十卷序釋十

周易日月變例六卷虞翻陸績撰吳志虞翻注易

奏曰夢道士布易六爻撓其三以飲臣言易道在下

三爻足矣

晉周易統畧

隋志鄒湛統畧五卷楊又卦序論一卷唐志論三卷統

御覽引楊又易卦序論云儉而止山也儉而動泉也

晉周易訓注

儒林傳劉兆字延世撰周易訓注以正動二體其文文苑傳李充注尚書及周易旨六篇隋志晉李顥同易卦象數旨六卷

晉易象論

劉惔傳時孫盛作易象妙於見形論論不厚以達觀故表圓應於著龜圓應下可簡文帝使殷浩難之不為典要故寄妙迹於六爻能屈惔與抗荅辭甚簡至盛理遂屈惔康作言不盡意論殷融作象不盡意論何夔成為六象之論曰賁象曰假象曰偏象曰圓象曰暱象難之不取徧象圓象而立四象之論

晉干寶易傳

隋志干寶易注十卷唐志周易爻義一卷書目寶之易學以卦爻配月或配日時傳諸人事以前世已然之迹證之訓義頗有據

晉張璠集解

經典序錄張璠集解十二卷東晉秘書郎參著作集

二十二家解序云依向秀本鍾會為易無互體論

向秀庾運為易義應正為明易論荀暉張暉王宏阮

咸阮渾為易義楊乂為易卦序論王濟衛瓘為易義

樂肇為易論鄒湛為易統畧杜育楊瓚張軌為易義

宣舒為通知來燕社論

邢昺裴藻許商楊藻並為易

美七錄云集二十八家七志云十卷

釋文引張璠

木

晉周易論

隋志晉阮渾二卷晉宋武一卷齊周顒十卷深有三

范氏四卷晉藥肇周易象論三卷唐志揚又卦序論

一卷唐志鍾會周易論四卷應吉甫明易論一卷

阮長成仲容難答論二卷宋廸宗通易論一卷宣聘

通易象論一卷

三仲淹上李泰伯易論十三篇禮論七篇明堂穴制

六一 韓平上書三篇共二十 已篇為 卷

晉周易畧譜

舊唐志一卷李宏撰周易譜一卷沈能撰

周易四家集解

隋志馬鄭二王四家集解十卷楊氏集二王注五卷

梁朱异集注一百卷又三十卷南

朱震曰鄭氏傳馬融之學多論互體陸續之學始論

動交王弼破互體

荀爽九家集注

序錄荀爽九家集注十卷不知何人所集稱荀爽者

以為主故也其序有荀爽京房馬融鄭玄宋衷虞翻
陸續姚信翟子元為易義注內又有張氏朱氏並不
詳何人釋文引荀爽九家 說卦釋 隋志荀爽九家注
十卷 唐志荀氏九家集解十卷 荀爽曰乾起坎
而終於離坤起離而終於坎離坎者乾坤之象而陰
陽之府

謝萬韓伯袁悅之桓玄卞伯玉荀柔之徐爰顏惟明
僧紹劉瓛以下十人並注繫辭為易音者三人王肅
李軌徐邈 蜀才人多不知顏之推云范長生也

後魏關子明易傳

書曰關子明易傳一卷唐趙蕤注魏孝文使并州刺
史王虬與子明著疑筮論數十篇蕤云亡篇過半今
無能詮次但隨文解義庶學者觸類而長阮逸詮次
刊正洞極元經傳五卷關子明以坐資育為傳以釋
其蘊為經論十一篇又為圖以序其象文中子錄子
明事大和末穆公與談易言于孝文帝帝曰且與卿
就成造論子明曰乾坤之策陰陽之數推而行之不
過三百六十六演而伸之不過三百八十四天之道
也象生有定數吉凶有前期變而能通故治亂有可
易之理宗於子明道 晁氏志關朗字子明大和末王

虬言于孝文召見著成筮論數十篇唐趙蕤云恨書
亡半隨文銓解才十一篇李邕郢始著之目云王通
贊易蓋宗此也 子明易傳卜百年義第一次以統
言易義大衍乾坤策盈虛闔闢理性時變動靜神義
終於雜義第十一

梁周易講疏

見後 梁武帝撰周易講疏及六十四卦二繫文言
序卦等義元帝周易講疏十卷

周易義例 隋文中子讚易

此文李鉉字寶鼎撰定孝經論語毛詩三禮義疏及

三

三傳異同周易義例合三十餘卷 文中子中說王

通字仲淹讚易七十篇讚易道以申先師之旨

唐七十六家易

藝文志經錄一曰易類七十六家八十八部六百六
十五卷始於連山次以歸藏若周易則有卜商之傳
二卷孟喜京房費直馬融荀爽之章句四十四卷鄭
玄劉表董遇宋忠王肅王弼虞翻陸績姚信荀暉蜀
才王奐干寶黃穎崔浩崔觀何胤盧氏傳氏王又玄
王凱冲韓康伯謝萬桓玄荀諝荀彘之六 裴任希古
之注荀氏九家馬鄭二王張璠之集解著義疏者有

宋明帝梁武帝張該蕭偉蕭子政張譏何妥褚仲都
梁蕃劉獻孔穎達陸德明陰弘道著論者有王弼玄
宗之大衍張璠鍾會范氏應吉甫鄒湛阮長成阮仲
容宋處宗宣聘藥肇袁宏楊乂爰義則干寶音譜則
沈熊新注本義則薛仁貴發揮則王勃終於玄宗大
衍論不著錄十一家三百二十九卷始於李鼎祚集
注有東鄉助物象釋疑一行論大衍玄圖義决崔良
佐忘象元載集注李吉甫注一行易衛元嵩元包高
定外傳終於裴通之書盧行超之義陸希聲之傳

隋志六十九部五百五十一卷始於歸藏 崇文目

一十八部一百七十八卷始於歸藏終於言象外傳

中興書目一百一十二家七百六十卷續目二十

七家三十四部三百五卷 釋文序錄後漢費氏興

而高氏遂微永嘉之亂施氏梁丘之易亡孟京費之
易人無傳者唯鄭康成王輔嗣所注行于世而王氏
為世所重繫辭已下相承以韓康伯注續之

唐周易正義 文句義疏

志正義十六卷 舊志十四卷 國子祭酒孔穎達顏師

古司馬才章王恭太學博士馬嘉運助教趙軋叶王
談于志寧等奉詔撰四門博士蘇德融趙弘智復審

宗朝端拱元年十月。正義有八論易之三人。三代重。祭酒孔維等校正。傳誰作人。分上下二篇。序云傳易者。

丁孟京田荀劉馬鄭大體更相祖述非有絕倫唯魏

世王輔嗣之注獨冠古今江左諸儒並傳其學河北

學者罕能及之江南義疏十有餘家皆辭尚虛玄義

多浮誕。隋志周易義疏十九卷。舊唐志宋明帝集

群臣講堂於清暑殿詔伏曼容執經又於華林園含芳

講。臣易義疏二十卷齊永明國學講周易講疏二十

六卷又沈林周易義三卷周易講疏三十五卷大義

二十一卷繫辭義疏一卷梁武帝撰唐志大義二十

武帝云文言是文王所制。舊唐志周易大講疏十

義二十卷以義疑問二十卷梁武帝撰。講疏十

六卷梁褚仲都撰義疏十四卷繫辭義疏三卷蕭子政

撰義疏十六卷陳周弘正撰繫辭義疏二卷乾坤義

一卷劉勰撰講疏三十卷陳張譏撰南史張譏周又

十三卷何妥撰北史云唐志宋明帝注義疏二十

卷張該等群臣講易疏二十卷。舊唐志宋群臣講易疏

梁武帝大義疑問二十卷蕭偉發義幾義各一卷梁

蕃文句義疏二十卷又開題論序疏十卷釋序義三

卷陸德明周易文句義疏二十四卷文外大義二卷

隋志上陰弘道周易新傳疏十卷薛仁貴新注本義

易

十四卷盧行超易義五卷國史志冀震周易義

十卷亦曰疏何氏講疏十三卷崇文目周易三義

補闕七卷中興目邢璣補闕正義略例疏二卷

是說之曰易雜莊老而專明人事則自王弼始易家

始失其所傳梁丘施孟三家於是亡於晉而孟京有

書無師矣江左祖尚玄虛弼學滋盛然晉專立鄭學

孫盛詆弼之傳會浮麗宋元嘉王鄭兩立顏延之為

祭酒而黜鄭置王齊之王學大盛河北專祖鄭隋士

浮麗慕弼之學唐因之古法始泯

唐周易大衍論

王弼

志玄宗周易大衍論三卷又一行易論卷七又大衍

玄圖一卷義決一卷大衍論二十卷李吉甫注一行

易亡舊史李吉甫計論易象異王弼大衍論三卷

舊史一行撰大衍論三卷劉禹錫辨易九六論三微引

象中興目一行易傳十二卷元闕者四卷一行

作曆專用大衍之策議曰著數之變九六各一乾坤

之象七八各三六子之象爻數通乎六十策數行者

二百四十大衍為天地之樞如環之無端蓋律曆之

大紀也著以七備卦以八周郭雍曰一行之學取三

大衍之數五十其用四十有九京房謂五十者十日

易

十二辰二十八宿一不用者天之生氣馬融云北辰居位不動荀爽曰初九潛龍勿用故用四十九姚信董遇云天地數五十有五其六以象六畫鄭玄云五行減五大衍又減一故減之用四十九王弼曰其一不用以其虛不用而用以之通非數而數以之成斯易之太極子夏曰一不用者太極也孔穎達曰虛一以象虛無之氣乾鑿度曰日十干者五音也辰十二者六律也星二十八者七宿也凡五十正義曰天數二十五總合五音之數地數三十總合五偶之數乾之策二百一十有六者以乾老陽一爻有三十

六策六爻凡有二百一十六策也乾之少陽一爻有二十八策六爻則有一百六十八策此經據老陽之策也坤之策百四十有四者坤之老陰一爻有二十四策六爻故一百四十四策也若坤之少陰一爻有三十二六爻則有一百九十二此經據坤之老陰也韓氏注曰乾一爻三十六策取其過揲四分而九也坤一爻二十四策取其過揲四分而六也關子明大衍義曰夫數兆於一生於二成於三此天地人所以立也衍於五成於六偶於十此五行六爻十日所以錯綜也天下數之兆也雖明其兆未可以用也

地二數之生也。有生則滋，乃可以推之也。天三數之極也。極乎終則反乎始，兼兩之義也。五行水生乎一成乎六，云云。天一必待地六而成之，地二必待天七而成之，其體雖五而成必六，六者非他，天地生成之謂也。天數五，地數五，五者非他，三天兩地之謂也。地二天三合而爲五，其一不用者，六來則一去也。既成則無生也，有生於無終必有始，既有則無去矣。既終則始去矣，故大衍五十，其用四十有九，入有去無之謂也。物不兩大，必曰虛盈，日往月來，晝極則夜進，盈於此則虛於彼，盈於小必虛其大，此用所以不窮也。

易

卷之六

二六

一

程子曰：數始於一，備於五，小衍之而成十，大衍之而爲五十，五十數之成也。成則不動，故損一以爲用。朱震曰：一者體也，太極不動之數，四十有九者用也。兩儀四象分太極之數，總之則一，散之則四十九，非四十有九之外復有一，而其一不用也。四十有九者七也，故爻用六，著用七，卦用八，玄用九，十即五也。十盈數不可衍也。朱文公曰：大衍之數五十，蓋以河圖中宮天五乘地十而得之，至用以筮則又止用四十有九。乾之策二百一十有六，坤之策百四十有九，三百有六十，當期之日，二篇之策萬有一千。

五百二十當萬物之數也。朱文公曰：策數生於四象，二篇謂上下經，凡陽爻百九十二，得六千九百一十；二策陰爻百九十二，得四千六百八。策合之，得此數。唐仲友曰：大衍通於範乎？五行隱而皇極虛，斯大衍之數用矣。五事而次，皆曰用初。一曰五行不言用，大衍之義著矣。李泰伯曰：揲著之法，用四十九，取其整數，增一損一，則不可揲。陳高曰：大衍自虛其一。劉牧曰：天一居尊而不動。胡瑗曰：陰不可過於陽，地數三十之中，去其六策。歐陽子曰：大衍占法也。數出於自然，而不測。四十有九是也。用通於變。

海心 二二六

而無窮七八九六是也。邵子曰：大衍聖人之倚數也。五十著數六十卦數，五者著之小衍，故五十為大衍。八者卦之小成，則六十四為大成。著德圓以況天數，故七七四十九。五十者存一言之，卦德方以況地數，故八八六十四。六十者去四言之，天數二十五合之為五十，地數三十合之為六十。著用數卦體數，用以體為基，故存一體以用為本。故去四圓者本一方者本四，大衍之數其算法之原乎。郭雍曰：此用數揲著之法。龔夬曰：五十總四十九之成數，又合而為一。此著之體四十九，自分而為二言，此著之用。

楊廷秀曰虛其一者復歸于一也所謂易有太極
程迥曰天地之數極於十各五位有合故衍之為
五十五十總數其一即會五十之全體 劉敞曰衍
天之參則為三十衍地之兩則為二十一者乾坤所
不用乾積三以為九故老陽九坤積二以為六故老
陰六少陽七者益一於老陰少陰八者益一於老陽
劉氏曰動靜一源顯微無間知四十九為一之用
即知一為四十九之體或以干支辰宿八卦陰陽求
合五十之數恐非

分而為二以象兩掛一以象三揲之以四以象四時
歸奇於扚以象閏五歲再閏故再扚而後掛是故四
營而成易十有八變而成卦

唐集注周易

志李鼎祚十七卷元載一百卷 書曰集解十卷亦

唐志 譔唐著作郎李鼎祚集子夏孟喜京房馬融荀
爽鄭康成劉表何晏宋衷虞翻陸績干寶王肅王輔
嗣姚信王廙張璠向秀王凱冲侯果蜀才翟元韓康
伯劉獻何妥崔憬沈麟士盧氏崔覲孔穎達等凡三
十餘家附以九家易乾鑿度凡十七篇其所取荀虞
之說為多取序卦冠之卦首案崇文總目云大抵以

卦互體緣爻索變蓋本易家師承之舊云上篇逸

晁氏志十卷其序云自卜商之後傳註百家唯王鄭相公頗行於代鄭多參天象王全釋人事易道宜徧滯于天人哉天象難尋人事易習折撈黃華學徒多從之今集諸家刊輔嗣之野文補康成之逸象以貽同好蓋宗鄭學者也六書云鼎祚自序上云十卷無亡失畧列乃舊經未經皆守舊經

唐易傳

志陸希聲周易傳二卷

書目六卷案後說云著易

傳十篇傳上經為第一篇下經為第二篇又有演文伸繫等八篇又撰易圖一卷指說一卷釋變微旨

三五五十五

各一卷通為十卷又文證一卷非十編之目今惟存上下經傳分為六卷微旨分為三卷朱震曰陸氏削去爻象自謂彌縫其闕諧音以發其辭體正如子雲作太玄俾學者為進易之梯階

唐周易發揮

志王勃五卷王勃傳嘗夢有告者曰易有太極子

勉思之寤而作易發揮數篇晉卦會病止文中子世家文中子贊易七十篇列為十卷

唐周易元包傳

志衛元嵩元包十卷後周唐蘇源明傳李江注書目

易

李江序文質更變篇題各異夏曰連山殷曰歸藏
周曰周易而唐謂之元包其實一也包者藏也言善
惡是非吉凶得失皆藏其書也李江謂六五經四八
宗文目元包十卷太陰太陽少陰少陽仲陰仲陽
孟陰孟陽運著說源一本無說
晁氏志坤為首因
八卦世變為六十四卦之次又著運著說源一篇統言
卦體不列爻位自云周易元包一也元包以坤為首
藏乾後之義宗乾道中張行成以蘇李徒言其理未達其數
著元包數總義二卷

唐易圖 易外傳

高定傳定高郢子通王氏易為圖合八出土圓下方
合則重轉則演七轉而六十四卦六甲八節備焉
志高定周易外傳二十二卷
隋志梁有周易乾坤
三象周易新圖各一卷周易譜一卷唐志云沈熊譜
薛景和普玄圖八卷

唐易書

志裴通易書一百五十卷通士淹子文宗訪以易義
令進所撰書通自祭酒改詹事因中謝上知通有易
三卷韋顛傳著易緼解推演終始有深誼

易

唐周易新義

會要天和元年六月直講徐鄖上三卷

志薛仁貴

新注本義四卷 **國史志**李翱易詮三卷

唐周易物象釋疑

志周易物象釋疑一卷

書目一卷唐守江陵尹東

鄉勛撰其說以象之所生生於義也有斯義然後明之以物如以龍叙乾以馬明坤之類采注疏未釋者標出

唐周易舉正

書目三卷

崇文目同

唐蘇州司戶郭京撰其序言得王輔

三七

嗣韓康伯手寫定本。比校今所習者。或將經入注。用注作經。小象中間以下句反居其上。爻辭注內移後。義却處於前。兼有脫遺兩字顛倒謬誤者。並依定本。舉正其說。總一百三十五處。二百七十三字。晁公武易解多引用之

唐周易開玄關

流演

啓源

易軌

甘崇正義

晁氏志唐蘇鶚撰周易開玄關一卷。自序云。五代祖晉製八卦論。編簡尚有存者。畧演其旨。如此。成玄英撰周易流演五卷。錯綜六十四卦。演九宮。以直年月

易

日道藏錄之蔡廣成撰周易啓源十卷凡三十六篇
史證撰口訣義七卷抄錄注疏以便講習偽蜀蒲乾
貫撰易執一卷專言派演其序云可以知否泰之源
察延促之數蓋數學也
崇文目周易甘棠正義三
十卷任正一撰以孔穎達為本甘棠者正一為陝州
司馬故名其書

唐太易

志道家張志和太易十五卷

張志和傳著太易十

五篇其卦三百六十五

乾鑿度有太易未見氣太

初氣之始

太始形之始

太素

質之始

先天圖

陳搏以傳種放放傳穆脩脩傳李挺之挺之傳邵雍
雍有方圓二圖圖雖無文吾終日言而未嘗離乎是
蓋天地萬物之理盡在其中矣先天學心法也故圖
皆自中起萬化萬事生乎心也先天圖中環中也先
天學主乎誠先天之數自一而二自二而四自四而
八乾兌離震在左巽坎艮坤居右乾南坤北以定上
下離東坎西以列左右朱震朱熹蔡元定張行成申其
說本義載伏羲四圖其說皆出邵氏 圓外為陽方

中為陰

李挺之變卦反對圖八篇六十四卦相生

圖一篇

伏羲之卦先天也文王之卦後天也

開寶王昭素易論 演聖通論

書目三十三卷

崇文目同昭素以王韓注易及孔馬疏義

或末盡乃著此論

徐徽刪其畧為易論要纂十卷

開寶三年知制誥李穆薦王昭素召見便殿昭素著
易論三十三篇時年七十餘太祖賜坐令講乾卦召
宰臣薛居正等觀之至九五飛龍在天昭素對曰此
爻正當陛下今日之事此書非聖人出不能合其象
三月辛亥拜國子博士賜茶藥及錢二十萬留月餘

遣之

晁氏志以注疏異同互相詰難蔽以己意崇文

目云取其言折衷之善

胡旦有易演聖通論十六卷多

引注疏及王昭素論為之商榷

天禧易樞 易筮 證墜簡

天禧二年七月戊寅富順監言李見撰易樞十卷詔

附驛以聞 書目阮逸易筮六卷凡三百八十四卷

晁說之易規十一篇

晁氏志天禧中諤昌撰證墜

簡一卷其書類郭京舉正如震卦彖辭內云脫不喪

七鬯四字程正封取之漸卦上六疑陸字誤胡翼之

取之白謂其學出於李處約許堅

皇祐周易折蘊 旨要

皇祐三年九月二十二日評事孫坦上折蘊十卷帝嘉其勤博四年五月知益州田況上太常丞代淵所著周易旨要二十卷丙午以為祠部外郎至和元年十二月十八日宋咸上注周易十卷詔褒諭治平三年四月己丑工部侍郎皇甫泌上所著周易精義賜帛國史志任奉古周易發題一卷周易正經明疑錄一卷不知撰人

周易言象外傳

書目十卷崇文侍講王洙撰凡十二篇序云論次舊

義傳以新說以王弼傳為內摘其異者表而正之故云外也紹興中沈該小傳六卷每卦別為一論

治平周易圖義

書目二卷治平中葉昌齡撰以劉牧鈎隱圖之失遂著此書凡四十五門牧撰易數鈎隱圖一卷采摭天地奇耦之數自太極生兩儀而下至于河圖凡六十四位點之成圖於圖之下各釋其義凡四十八圖黃黎獻受於牧摭為畧例一卷隱訣一卷吳秘受於黎獻作通神一卷以釋鈎隱奏之凡三十四篇常豫撰易源一卷

熙寧周易圖

熙寧九年五月二十二日宗子克頴進周易開奧圖克孝進孝經傳詔褒之

周易傳

胡瑗翼易傳十卷門人倪天隱所纂非其自著故序

首稱先生鄭夬庭揚周易傳十二卷姚嗣宗謂劉牧

之學受之吳祕祕受之夬夬又作明數明象明傳道

明次例明範五篇邵雍言夬竊其學於王豫沈括亦

言夬之學似雍云陸秉端意學十卷寶元二年奏

御邵古天周易解五卷古雍之父劉牧張易十

卷書目劉牧新慶曆初吳祕獻其書詔獎之田況為

序言數者宗之又鈞隱圖三卷書月一卷又卦徐

庸易緼一卷以春秋凡例易亦有之著書九篇號意

緼凡例總論其學祖劉牧陸秉代淵易論二十卷

皇甫泌周易述聞隱訣補解各一卷精微一卷

石介守周易五卷王逢易傳十卷鮮于侁駿周

易聖斷七卷本王弼劉牧而時辨其非宋咸易訓

三卷自序謂既以補注奏御而男億請餘義百餘篇

因名易訓呂大防周易古經二卷凡十二篇無解

釋蘇軾東坡易傳十一卷父洵作易傳未完述以

易

成書。張載橫渠易說十卷。程氏頤易十卷。序曰。

易變易也。隨時變易以從道也。推辭考卦。可以知變。

象與占在其中矣。朱文公曰。交易為體。注此來彼。變

演周王安石易義二十卷。龔原注二十卷。耿南仲

注二十卷。張弼易十卷。頤宗鄭氏。房審權周易

義海一百卷。集鄭玄至王安石凡六家。摘取專明人

事者。熙寧中晁說之。道古易十二卷。又太極傳外傳

因說。朱震發子易集傳十一卷。易圖三卷。叢說一卷。

自謂學以程頤為宗。會邵雍張載之論。合鄭玄王弼

之學。牛師德先天易鈔太極寶局二卷。石汝礪

四用二 汝卷三二七

乾生歸一圖二卷。王湜易學一卷。潛心邵學。郭

忠孝兼山易解二卷。頤明象數。張汝明易索十三卷。

凌唐佐易集解十卷。沈該周易小傳六卷。晁

公武易故訓傳十八卷。採古今諸家附以己聞。胡

銓易傳拾遺十卷。宗主程說。時出新意。呂祖謙繫

辭精義二卷。楊萬里誠齋易傳二十卷。林黃中

周易經傳集解三十六卷。淳熙中表進。項安世周

易玩辭十六卷。程迥易章十卷。外編占法古易考

各一卷。世稱沙隨易。蔡淵周易訓解大傳易說易

象意言。魏了翁周易集義六十四卷。麻衣道者

正心易法一卷李潛序朱文公以為戴師愈所作
周敦頤作太極圖說及通書四十一章 郭雍著易中
庸之書十餘萬言有易說著卦辨疑中興書目 雍易
解十一卷卦辭旨要六卷

紹興御書周易泰否卦

紹興五年十月十一日庚戌右相張浚入見上親書
周易否泰卦賜之浚奏自古小人傾陷君子莫不以
朋黨為言臣嘗考泰之初九拔茅茹以其彙征象以
為志在外蓋言其志在天下國家非為身故也否之
初九拔茅茹以其彙征象以為志在君則君子連類

三五

卷之七

而退蓋將以行善道而未始忘憂國愛君之心焉觀
二爻之義而考其用心則朋黨之論不攻而自破矣
臣又觀否泰之理起於人君一心之微一念之正其
畫為陽泰自是而起矣一念之不正其畫為陰否自
是而起矣泰之上六三陰已盡復變為陽則小人在
外而泰所由以生焉二十五年八月以所著否泰卦
解義進之奏曰其事本諸一心 高宗書乾卦賜侍
講秦梓

紹興易說

六年林儵乞上所著易書詔給事中朱震詳問震言

用功至勤。仍令明州給札錄其所著易說及天道大備書變卦纂集等合二十六卷。上之。二月甲辰。儵循資與堂除。八年六月五日。李授之上易解。除直秘閣。十五年十月二十七日。劉翔進易解。十六年。吳沆進易璇璣三卷。二十七篇。四月十七日。郭伸上易解。二十七年九月。彭與上周易義解十冊。神授易圖四冊。太極歌一冊。易證詩一冊。義文圖二軸。館學看詳。謂潛心象數。訓釋淹貫。詔補上州文學。三十年三月七日。宋大明上周易解。紹興初。朱震撰易傳十一卷。卦圖三卷。叢說一卷。表云。傳九卷。上采李衡撮要十二卷。

紹興易變體

續書目。易變體十六卷。紹興中。吏部郎中都絜進。謂筮有其卦之某。卦為變體。如蔡墨言潛龍勿用。不曰乾初九。而曰乾之姤。言龍戰于野。不曰坤上六。而曰坤之剝。此謂變體。自乾之姤。至未濟之解。以意演之。爻為一篇。凡三百八十四篇。

紹興大衍圖

十七年四月左迪功郎吳適進大衍圖庚戌令秘省詳之

紹興揲著古法

紹興中鄭克武子撰一卷以今之言揲著法者或不取四營成易不待三變成爻而謂之小衍或不揲右手所分不數小指所掛而謂之新譜故列舊法使有可據程迥有揲著詳說

淳熙易書

淳熙八年八月五日知閬州呂凝之上易書四十卷

行三

卷二六

四

作

上問輔臣周必大奏曰此本邵雍之學蜀人張行成推衍之凝之必講學於行成上曰行成所著頗略必大曰凝之配年以卦爻所以加密乾道二年六月四日以行成進易可采除直徽猷閣行成有述衍十八卷通變四十卷以易數生於衍因先釋繫辭之說而復析衍法窮原疏流命曰述衍邵雍之學祖於象數二圖其用皆起於交交則變今演解之命曰通變

淳熙周易集解圖

十二年四月二十六日知潭州林栗進經傳集解三十二卷繫辭上下二卷文言說卦序雜本文共為一

卷河圖洛書八卦九疇大衍總會圖六十四卦立成
圖大衍撰著解共為一卷總三十六冊詔付祕省敕
書獎諭二年曾種哀程顥頤張載游酢楊時郭忠
孝雍七先生之說為大易粹言十卷

李椿云易以九居五六居二為當位而詞多艱以六
居五九居二為不當位而詞多吉蓋君以剛健為體
而虛中為用臣以柔順為體而剛中為用君以虛中
行其剛健臣以剛中守其柔順則上下交而其志同
矣程迥云以六居五以九居二為卦十有六雖為
時不同其十有五皆吉謂人君柔中虛已而任剛德

卷二十六

十一

六

之臣其臣亦以剛中應之唯常卦則不然常從所應
漢元帝似之張掄為易卦補遺其言曰易以初上
二爻為定體以中四爻為變系辭謂之中爻先儒謂
之互體所謂雜物撰德辨是與非八卦互成剛柔相
易之道非此無見焉坤與坎曰師而長子帥師之象
蓋出乎震艮與坤曰謙而用涉大川之象蓋出乎坎
雷在天上大壯而曰羝羊有兌存焉明入地中明夷
而曰蒙難有坎存焉張浚易解并雜記共十卷論
易數曰太極一也兩儀三之也分為二而七八九六
之數五十有五此天地之中數也論剛柔之義曰君

道主剛而其義也用柔故乾動則為坤矣臣道主柔而其動也用剛故坤動則為乾矣朱震曰變動之別其傳有五曰動爻卦變互體五行納甲而卦變之中又有變焉程頤主理震主數

淳熙易學啓蒙 本義

朱文公熹 淳熙四年易本義成十二卷又為諸圖

冠首為五贊原象稽類述旨明筮及筮儀附于末音

義二卷十三年三月易學啓蒙成四篇以本圖書原卦畫明著策考變占為次又有著卦考誤揲著之法見於大傳郭雍為著卦辨疑三卷熹謂疏家小失其

指而辨之者又大失焉說愈多而法愈亂因為誤畢氏中和揲法視疏義為詳論三揲皆掛一正合四營之義唯以三揲之掛扞分措於三指間為小誤然大數亦不差易本為卜筮而作其言皆依象數以斷吉凶今其法不傳諸儒言象數者皆穿鑿言義理者大汗漫故其書難讀此本義啓蒙所以作也

先天之學魏伯陽闕見其意陳搏始發其秘再傳為邵雍方圓圖皇極經世諸書朱震張行成朱文公蔡元定申其說郭忠孝得李挺之卦變論有得焉

李舜臣易本傳三十三篇迹坎離之從中起校震巽

之偏而不中。謂舍本卦而論他卦為不然。謂某卦從某卦來為妄。復剛長而以日云者。幸其至之速。臨陽消而以月云者。幸其消之遲。說卦天地定位。山澤通氣。雷風相薄。水火不相射。八卦相錯。邵子曰。此伏羲八卦之位。乾南坤北。離東坎西。兌居東南。震居東北。巽居西南。艮居西北。於是八卦相交而成六十四卦。所謂先天之學也。帝出乎震。齊乎巽。相見乎離。致役乎坤。說言乎兌。戰乎乾。勞乎坎。成言乎艮。邵子曰。此卦位乃文王所定。所謂後天之學也。

古易五家

易

十七

元豐五年汲郡呂大防始定周易古經。分上經下經。上彖下象。上象下象。繫辭上下各二篇。文言說卦序卦雜卦各一篇。凡十二篇。靖國中。嵩山晁說之亦注古文易。并十二為八。以卦爻彖象文言繫辭說卦序卦各為一篇。睢陽王氏東萊呂氏亦各定為十二篇。呂祖謙更定經二卷。傳十卷。而音訓則門人王莘叟所筆受也。祖謙因晁氏書。參考傳記。復定為十二篇。其後九江周燾又自改更次序。與諸家之說不類。故言古易者為五家。吳仁傑集為一卷。仁傑亦分為十二篇。洪興祖謂漢以來諸儒所傳。各有師承。唐陸德明著音義。兼存別本。諸儒各以所見去取。今以一

易

行所纂古子夏傳為正而以諸書附著其下為易古
經考異釋疑一卷續書目朱震曰今易乾卦自乾

至用九即古易之本文

晉汲郡竹書有周易上下經二卷朱子曰易有象
然後有辭筮有變然後有占

漢揚雄太玄

本傳雄草太玄雄以為經莫大於論語作法詁太玄五千

文說十餘萬言雄大潭思渾天參摹而四分之極於

八十一旁則三摹九据極之七百二十九晉觀易者

見卦而名之觀玄者數畫而定之玄首四重者非卦

也數也其用自天元推一晝一夜陰陽數度律歷之

紀九九大運與天終始故玄三方九州二十七部八

十一家二百四十三表七百二十九贊分為三卷曰

一二三與泰初歷相應亦有顛頊之歷焉搃之以三

策注而注三關之以休咎緝之以象類播之以人事文

之以五行擬之以道德仁義禮智無主無名要合五

經苟非其事文不虛生為其曼漶不可知故有首衝

錯測攏瑩數文捫圖告十一篇以解剥玄體離散其

文章句尚不存焉或謂以尚白作解謝有難玄太深

作解難桓譚謂雄書必傳侯芭受太玄法楊氏本自

至玄告凡十篇並漢宋
中三篇為下次列首衝錯
經贊之望叔明始合為十
玄告九篇列為四卷三逐
宋氏解明揚釋宋以錯更
注并著明揚釋宋以錯更
為仁義勿雜也童鳥九文
序三十八篇太玄十九
張衡傳常耽好玄經謂崔

瑗曰吾觀太玄方知子雲
非徒傳記之屬使人難論
百歲之書也復二百歲殆
顯一世常然之符也漢四
百歲玄其興矣注桓譚新

論曰揚雄作玄書以為玄者天也道也言聖賢制法
作事皆引天道以為本統而因附續萬類王政人事
法度故宓戲氏謂之易老子謂之道孔子謂之元而
揚子謂之玄經子雲止云太玄太玄經三篇以紀天地
人之道立三體有上中下如禹貢之陳三品三三而
九因以九九八十一故為八十一卦以四為數數從
一至四重累變易竟八十一而徧不可損益以三十
五著揲之玄經五千餘言而傳十二篇選注引張衡

指歸無形之類自然之根作於太始蜀志李譔著太玄
魏志王肅從宋忠讀太玄更為之解吳志

易

陸凱好太玄論演其意以筮輒驗隋志十卷蔡文

邵注十四卷虞翻注十三卷陸凱注七卷王肅注九

卷宋衷注梁有九卷揚雄唐志陸績注十二卷虞

翻注十四卷范望注十二卷倫張衡以擬譚經非絕

子之嘯也才窮核道真為十篇各宋仲孚一作注十二

卷蔡文邵注十卷唐王涯為說玄五篇一卷又注六

卷貞俶太玄幽贊十卷開元四年京兆童子貞俶進

太玄幽贊十卷紫微省召試賦頌及策書目許洞

演玄十卷其說分三紀二體上紀甲首丙尾日月迭

居以辯數中紀丙首戊尾男女異政以辯位下紀庚

首癸尾山川冲氣以辯德二體曰範曰緯章啓太玄

圖一卷慶曆中撰又發隱一卷始序雄出處本末著

玄之意中陳準易造玄之法末論玄之妙以適變通

司馬光集漢宋衷解詁吳陸績釋文晉范望解贊唐

王洎注經及首測皇朝宋惟幹注解陳漸演玄吳秘

音義凡七家又時出己意為集注六卷晁說之以光

太玄曆邵雍玄圖合而譜之為易玄星紀譜二卷陳

漸演玄七卷有玄統述策紀鑄鍵畧各一篇彈誤二

篇玄圖一篇玄籍一篇字摹十六篇張行成翼玄十

二卷行成曰太玄義取於歸藏李沂集解義訣十卷集

卷三十一

宋陸范王并撰撻法占法又為圖并雜說總十五篇

徐庸玄曠一卷僧全瑩大玄畧例一卷國史志徐

庸注太玄經十二卷張齊太玄正義統論一卷釋文

玄說二卷宋咸音一卷師望玄鑒十卷陳漸演玄七

卷本十卷其間多言星曆自焚三卷前世多詆太玄

自王涯著說發明淵奧其學遂盛晁氏志宋惟幹

太玄解十卷惟幹得太玄古本于昭應咸平中知滑

臺取宋陸范三家訓解別為之注仍作太玄宗旨兩

篇附于後其學蓋師田告司馬公所謂小宗者也德

元新年五月庚子直昭文館宋惟幹徐庸注太玄經十

上新注十卷付史館幹一作翰徐庸注太玄經十

卷慶曆間章詈太玄經注十四卷疏三十卷皇祐五

月二十五日章詈上太玄經發隱三卷釋文一卷嘉祐中

成都守蔣堂獻陳漸演玄十卷凡十四篇漸傳著書

漢之漸謂法言解朝止云太玄然則經非其自稱弟

子侯芭之徒尊之耳集注陳氏曰徒尊之耳張揆太

玄淵旨一卷皇祐四年九月甲寅丁經郭元亨太玄經

疏十八卷元亨自淳化末迄祥符八年撰成又云太

玄潤色於君平未知何所據吳陸績述玄曰雄建

立玄經與聖人同趣雖周公繇大易孔子修春秋不

海峽三十一

二二

一

首說玄曰八十一首擬乎卦九贊之位類夫爻易以
八八為數其卦六十有四玄以九九為數其首八十
有一易之占以變玄之筮以逢數有陰陽而時有書
夜首有經緯而占有旦夕參而得之謂之逢四位成
列性在其中矣九虛旁通情在其中矣四位之次
方州部家以一生二方以三生九州以九生二十七
部以二十七生八十一家三相生玄之數也一首九
贊故有七百二十九贊其外踦羸二贊以備一儀之
月數玄之首也始於中中之始也在乎一一之所配
自天元甲子朔旦冬至推一晝一夜終而復始天元
四十六

易卷三十一

二十七首中至車地元二十七首更至昆人元二十
七首減至養馮元以宋陸諸家章句失雄旨獨王涯
稍近作釋文一篇司馬光讀玄曰玄以贊易易天

也玄為之階說玄曰易與太玄大抵道同而法異
易畫有二曰陽曰陰玄畫有三曰一曰二曰三易有
六位玄有四重方州部家傳謂參易以八卦相重而四分
為六十四卦玄以一二三錯於方州部家為八十一
首易每卦有六爻合為三百八十四爻玄每首有九
贊合為七百二十九贊皆當暮之日易卦起於中孚
除震離兌坎四正卦二十四爻主二十四氣外其餘六十

易

卦每卦六日七分凡得三百六十五日四分日之一中孚初九冬至之初也。頤上九大雪之末也。周而復始。玄七百二十九贊。每二贊合爲一日。一贊爲晝。一贊爲夜。凡得三百六十四日半。益以躋贏二贊。成三百六十五日四分日之一。中初一冬至之初也。躋贏二贊。大雪之末也。亦周而復始。易有元亨利貞。玄有罔直蒙酋。具易大衍之數五十。其用四十。有九。玄天地之策各十。有八。合爲三十六。策地則虛三。用三十三。策易揲之以四。玄揲之以三。易有七九八六。謂之四象。玄有一二。三。謂之三摹。易有彖。玄有首。易有爻。玄有贊。易有象。玄有測。易有文言。玄有

四卅三二
二母卷三十一
一

文。易有繫辭。玄有攤瑩。梘圖告。易有說卦。玄有數。易有序。卦。玄有衝。易有雜。卦。玄有錯。殊塗而同歸。百慮而一致。皆本於太極兩儀。三才四時五行而歸於道。德仁義禮也。邵雍觀物外篇曰。落下闕改顓曆爲太初曆。子雲準太初而作太玄。凡八十一卦。九分共二卦。凡一五隔一四。細分之則四分半。當一卦。氣起於中心。故首中卦。揚雄作玄。謂見天地之心。又易準圖序曰。玄之於易。猶地之於天也。朱震準易圖曰。太玄之作。與太初相應。夜十一月朔甲子。而兼該顓帝之曆。首十月發。明連山之旨。首艮。以準周易爲八十一卦。凡九分共

一卦一五隔一四細分之則四分半當一日準六十卦一日卦六日七分也中中孚也律曆之元始於冬至卦氣起於中孚其書本於夏連山首艮踦羸二贊有其辭而無其卦而附之於養者以閏為虛也蘇洵論曰太玄之策三十有六虛三而三十有三用焉求易之過也欲去其踦與羸加其首之一分損其著之三策又摠例曰雄好奇務深始之以十八策中之六千二積之以十二萬唐仲友曰雄最知大衍數者故玄數曰三八為木四九為金二七為火一六為水五五為土玄圖曰一與六共宗二與七共朋三與八成友四與九同道五與五相守不言五十為土五與十相守者知藏五之為大衍也

のサウ

上海卷三十一

十一

蕭該漢書音義衝作衡又案別錄告下有玄問一篇合十二篇今脫一篇嘉祐二年十一月己亥七時吳泌上注太玄及音義紹興十三年八月二十三日王銍上太玄經解義

晉通玄經

王長文傳著書四卷擬易名曰通玄經有文言卦象可用卜筮時人比之太玄同郡馬秀曰揚雄作太玄惟桓譚以為必傳後世晚遭陸績玄道遂明長文通玄經未遭陸績君山耳隋志梁有通經二卷晉王長元撰揚子太玄經十四卷晉楊泉撰儒家

潛虛

司馬光著潛虛一卷曰氣曰體曰性曰名曰行曰命以凶吉咸否平為所遇之占玄以準易虛以擬玄之物皆祖於虛易之卦始於太極玄之首始於一元虛之行始於五行易之卦兼河洛之數玄之首得河圖之九數虛之行得洛書之十數句皆協韻如易彖文象玄首贊測易曰卦玄曰首虛曰名卦有爻首有贊名有變二體四位十等之象八物五行與生成之數乾中玄之所以始一三五之所以虛與揲法占法若異實同光又為易說三卷注繫辭二卷朱熹以范仲彪別本補潛虛之闕張行成為潛虛衍義十六卷章

亥

上海卷二十六

分句析後截行成所續不韻

晁氏志

以五行為本

五五相乘為二十五兩之得五十首有氣體性名行變解七圖然其辭有闕者蓋未成也 太玄潛虛或以四十五變八十一或以五十五變一百 揚氏之太玄八十一首關氏之洞極二十七象司馬氏之潛虛五十五行

太玄準易圖

太玄集解

邵雍太玄準易圖序夫玄之於易猶地之於天也天主太極而地摠元氣元氣轉而為三統在玄則謂之三元三元轉而為九州九州轉而為二十七部二十

七部轉而爲八十一首。首有九，終以贊分晝夜而剛柔之用見矣。故玄之贊七百二十九，而有奇以應三百六旬有六日之度。蓋本出乎元氣而作者也。太極生兩儀，兩儀生四象，四象生八卦，八卦因而重之爲六十四。故易有乾坎艮震巽離坤兌八卦，以司八節。又以坎離震兌四正之卦，二十四爻以司二十四氣。以復臨泰大壯夬乾姤遯否觀剝坤十有二卦以司七十二候節也。氣也，候也。既各有統矣。然周天之度未見其所司也。於是又去四正之卦，分取六十卦引而伸之爲三百六十五爻，各司其日，則周天三百六十度。

單

二海卷

二

而寒暑進退之道陰陽之運備矣。蓋本乎太極而作者也。由是觀之，則天地各有生成之數，而相爲表裏之用。故天數西行，上承而左轉者在地之元氣也。地數東行，下順而右運者在天之太極也。太極運三辰五星於上，元氣轉三統五行於下。此所謂成變化而行鬼神者也。所謂玄之於易，猶地之於天者，如斯而已。準而作之，不亦宜乎。若夫分天度，列次舍，序氣候，明卦爻，冠首贊，位列八重，先以夜贊布諸外，然後晝贊首位爻象，候卦氣卦宮，分度數次諸內，復會於辰極，而玄易顯仁藏用之道，循乎數者，可見矣。是故始

於上元甲子天正朔旦日躔牛宿之初後四千六百一十七年復會於太初之上元者元之贊也自上元甲寅青龍之首氣起未濟之九四後三萬一千九百二十年復會於太極之上元者易之爻也原始要終究其所窮則體用雖殊其歸一而已矣 晁說之易玄星紀譜後序曰子雲初為文王易而作玄始託其於高辛及太初二歷此二歷之斗分強弱不可下通於今亦無足議溫公又本諸太初歷而作玄歷康節先生玄圖布星辰辨氣候分晝夜而易玄相參於中乃朝筭夜思取歷與圖合而譜之於是知子雲以首準

卦非出於其私意蓋有星候為之機括 張揆傳上

所著太玄集解數萬言召對邇英閣今探著得斷首

且言準易之失蓋以陽剛決陰柔君子進小人退之

象仁宗悅擢天章閣待制兼侍讀慶曆七年十月集賢修撰張揆召見

擬和殿待制

有未畫之易易之理有既畫之易易之書 易起數以定畫因畫以生辭因辭以明象因象以盡意 奇耦七八也交重九六也卦畫七八不易也爻畫九六變易也卦雖不易而中有變易是之謂亨爻雖變易

而中有不易是之謂正 易之爲書辭變象占乃其六
綱領而繇象爻象之辭畫爻位虛之別互反飛伏之
說秉承此應之例一不知則義理闕焉 世之學易
者卑入於象數高入於名理 五鹿充宗與諸儒講
而朱雲折之何晏不了九事而伏曼容輕之王弼訓
注於六爻變化五氣相推多所擅畧而孫盛短之周
洪正於講席辨析名理而張譏屈之蓋其旨難明如
此

玉海卷第三十七

浚儀王應麟伯厚甫

藝文

書

隋經籍志書之所興蓋與文字俱起孔子觀書周室得虞夏商周四代之典刪其善者上自虞下至周爲百篇編而序之遭秦滅學至漢唯濟南伏生口傳二十八篇又河南女子得秦誓一篇獻之伏生作尚書傳四十一篇以授同郡張生張生授干乘歐陽生歐陽生授同郡兒寬寬授歐陽生之子

玉海卷三十一

書

世世傳之至曾孫歐陽高謂之尚書歐陽之學又有夏侯都尉受業於張生以授族子始昌始昌傳族子勝爲大夏侯之學勝傳從子建別爲小夏侯之學故有歐陽大小夏侯三家並立訖漢東京相傳不絕而歐陽最盛初漢武帝時魯恭王壞孔子舊宅得其末孫惠所藏之書字皆古文孔安國以今文校之得二十五篇其秦誓與河內女子所獻不同又濟南伏生所誦有五篇相合安國並依古文開其篇第以隸古字寫之合成五十八篇其餘篇簡錯亂不可復讀並送之官府安國又爲五十

八篇作傳會巫蠱事起不得奏上私傳其業於都尉朝朝授膠東庸生謂之尚書古文之學而未得立後漢扶風杜林傳古文尚書同郡賈逵為之作訓馬融作傳鄭玄亦為之注然其所傳唯二十九篇又雜以今文非孔舊本自餘絕無師說晉世秘府所存有古文尚書經文今無有傳者及永嘉之亂歐陽大小夏侯尚書並亡濟南伏生之傳唯劉向父子所著五行傳是其本法而又多乖戾至東晉豫章內史梅賾始得安國之傳奏之時又闕彛典一篇齊建武中吳姚弋於大桁市得其書奏上比馬鄭所注多二十八字於是始列國學漢陳所講有孔鄭二家齊代唯傳鄭義至隋孔鄭並行而鄭氏甚微自餘所存無復師說又有尚書逸篇出於齊梁之間考其篇目似孔壁中書之殘缺者故附尚書之末

三皇五帝書 古三墳

禮外史掌三皇五帝之書注楚靈王所謂三墳五典疏按孝經緯三皇無文有文字之後仰錄三皇時事昭十二年左史倚相能讀墳典三墳三皇時書五典五帝之常典延叔長堅馬季長等說不同惟孔安國

尚書序解與鄭同。書序三墳言大道五典言常道。

春秋正義賈逵云三墳三王一作之書五典五帝

之典延篤言張平子說三墳三禮禮為人防天地人

之禮五典五帝之常道馬融說三墳三氣陰陽始生

天地人之氣也五典五行也諸家各以意言杜注云

皆古書名

史記太史公曰尚書獨載堯以來而百

家言黃帝其文不雅。**中興書目**三墳之目見於孔

序漢志不載元豐中七年毛漸奉使京西得之其書

以山氣形為別山墳謂之連山氣墳歸藏形墳坤乾

與先儒言三易異其中有姓紀一篇皇策一篇政典

二四四

三墳卷三十一

四

二篇合為三卷皆依託也序曰三墳各有傳墳乃古

文傳乃隸書胤征引政典今政典之文頗與書合

史通諸子廣造竒說其語不經其書非聖故馬遷方

言神農已前吾不知矣班固亦曰顓帝之事未可明

也。程子曰如許行為神農之言及陰陽醫方稱黃

帝之說

帝典

大學帝典曰克明峻德注堯典

虞書 舜道經

說文虞書曰仁閱覆下則稱旻天。**荀子**解蔽篇舜

之治天下不以事詔而萬物成故道經曰人心之危道心之微注今虞書有此語而云道經蓋有道之經也

夏書

左傳賦納以言明試以功戒之用休云云勿使墮念茲在茲成允成功寧失不經官占唯能蔽志皆以為夏書沈漸剛克高明柔克無偏無黨三人占從二人皆以為商書夏書多帥彼天常一句又字小異

語夏書曰怨豈在明於書正義左傳莊八年夏書

曰臯陶邁種德僖二十四年夏書曰地平天成二十七

二書卷三十七

年夏書賦納以言襄二十六年夏書曰寧失不經皆在大

護當云虞書而云夏書者以事蹟而故引為夏書若洪範以為周書以箕子至周商人所陳而傳引之即曰商書也

周語夏書有之衆非元后何戴書曰民可近也而不

可上也注逸在湯誓曰余人有臯無以萬夫萬夫有

臯在余一人注按湯誓無此言方

禹雒書本文 綠字 九章

洪範天錫禹洪範九疇注天與禹洛出書神龜負文

而出列於背有數至于九禹遂因而第之以成九類

以五行為始正義云正義漢書謂為九章劉歆以

為禹治洪水錫洛書法而陳之洪範是也龜負洛書

經無其事中候及諸緯多說黃帝堯舜禹湯文武受圖書之事皆云龍負圖龜負書緯候之書不知誰作通人討覈謂偽起哀平五行志云凡此六十五字皆雜書本文初一日等二十七字必是禹加之敬用農用等十八字大劉顧氏以為龜背先有總二十八字小劉以為敬用等亦禹所第無其龜文惟有二十字未知孰是 皇極稽疑庶徵不言數 漢五行志箕子在父師位而典之武王虛已問焉初一至次九凡此六十五字皆雜書本文所謂六法九章 天戴禮明堂篇二九四七五三六一八鄭氏注云法龜文也漢

二法書

人固以九數為洛書 隋志洛書六篇 晉志大禹

觀濁河而受綠字寰瀛之內可得而言 綠字非洛出也 宋志黃帝龜書出洛堯沈璧于洛玄龜負書湯

東至洛有黑龜赤文成字成三禮洛玄龜背甲刻書赤文成字 東京賦龜書界如 淮南子至德之世

洛出丹書 白虎通德至淵泉則洛出龜書 爾雅

注河圖曰靈龜負書丹甲青文 文選注雜書曰秦

失金鏡魚目入珠中候曰玄龜負圖出洛周公授筆

以壽 卷武禪文引雜書 劉牧曰易曰天地之數五

十有五即洛書自然之數 朱文公曰洛書本文四

十五點蓋取龜象凡數自一至五五在中自九至五
五亦在中戴九履一左三右七五亦在中關子明
曰洛書之文九前一後三左七右四前左二前右八
後左六又右黃度曰一九二八三七四六分據八
方而五居中

商書

墨子經五夏書曰禹七年水殷書曰湯五年旱呂

氏春秋夏書曰天子之德廣運乃神乃武乃文註逸

商書曰五卅之廟可以觀怪萬夫之長可以生謀註逸

商書曰刑三百罪莫重於不孝周書曰若臨深淵

若履薄冰注周書周文公所說文商書相時懋民記允

命曰民立而正事純而祭祀是為不敬敬孫務時敏

尹言曰作當惟尹躬及湯自周有終孟子伊訓曰

天誅造攻自牧宮荀子臣道篇書曰從命而不拂

微諫而不倦為上則明為下則遜註書伊訓漢書伊

訓篇曰誕資有牧方明

周書

左傳成十六年范文子戒晉侯周書曰惟命不予常

注康誥襄二十五年衛大叔儀言書曰慎始而敬

終終以不困注逸書昭六年叔向言書曰聖作則

注逸書二十年苑何忌云康誥曰父子兄弟罪不相及注周書康誥今無傳引周書惟德是輔乃大明

服庸庸祗祗明德慎罰不敢侮鰥寡大國畏其力惠不惠茂不茂皆今有國語周書所謂重黎實使天

地不通周書曰文王至于日中昊不皇暇食惠于小民唯政之恭周書有之曰怨不在大今有孟子康

誥凡民罔不慤泰誓曰無畏寧爾也惟曰其助上帝記甫刑曰苗民匪用命君雅曰夏日暑雨君奭曰

昔在上帝周田觀文王之德緇衣注古文為割申勸寧王之德今博士讀為厥亂勸寧王之德三者皆

異古文似近之呂氏春秋周書曰允哉允哉注逸書

說苑周書曰前車覆後車戒文選注周書曰乃辨九服之國又曰湯歸於亳三千諸侯大會武王

將渡河中流白魚入王舟會武王於郊下者八百諸侯

周書 周史記 周記 青史氏記 周百二十國寶書

漢志周書七十一篇注周史記師古曰劉向云周時誥誓號令也蓋孔子所論百篇之餘今所存者四十

五篇隋志雜史周書十卷雜史七十一卷為之首周汲冢

書似仲尼刪書之餘。平旦志雜史汲冢周書十卷孔

晁注周書八卷。崇文目史通周書與尚書相類

即孔氏刊約百篇之外凡為七十一章。上自文武下

終靈景其有典雅高義亦有淺末常說殆似後之好

事者所增益也。書多駁辭宜孔子所不取抑戰國處

見。至若職方之言與周官無異時訓之說比月令多

同斯百王之正書五經之別錄。史通引周今按汲

冢周書十卷晉五經博士孔晁注凡七十篇始於度

訓終於器服序在卷末其畧曰昔在文王商紂並立

困於虐政將弘道以弼無道作度訓車服制度明不

苛踰作器服周道於焉大備。孔晁注或稱十隋唐志

皆云此書得之晉太康中汲郡魏安釐王家。武帝紀

年十月得然劉向班固所錄並著周書七十一篇且

謂孔子刪削之餘而司馬遷史記武王克殷事與此

合。周紀武王登鄭玄注周禮行人云周書王

會備焉注儀禮鄉射云周書曰北唐以閭說文引逸

周書大翰若翬雉豈漢世已入中秘其後稍隱耶篇

目比漢但闕其一必班劉司馬鄭許所見繫之汲冢

夫其本矣時訓明堂記禮者所采錄克殷度邑遷史

所援據杜氏左傳注引千里百縣。疏云周書存者其

文非尚書之類左傳疏引周書謚法周公謚法一卷

也四篇晉狼暉曰周志有之勇則害上不登於明堂注

周書也其語今見篇中漢小說家虞初周說應劭謂

以周書為本說文爾雅注引逸周書楊賜脩德脩政

之言馮衍傳注小開篇司馬相如傳注王季宅程唐

大衍曆議維元祀二月丙辰朔武王訪于周公又竹

書十一年庚寅周始伐商文選注周史梓闕之夢皆

是書也楚世家欲起無先蘇秦說魏縣縣不絕蔓蔓

柰何墨子國無三年之食非其國蒙恬傳必參而伍

之王商傳以左道事君者誅史貨殖傳農不出則乏

食工不出則乏事商不出則三寶絕大戴保傳篇注

習之為常皆曰周書淮南記論訓周書曰上言者常

下言者權注以為周史之書蕭何云天子不取反受

其咎顏氏注周書本與尚書同類蓋孔子所刪百篇

之外劉向所奏有七十一篇主父偃云安危在出今

存亡在所用注以為本尚書之餘陳湯傳谷永云記

功忘過宜為君注以為尚書之外周書今書有無其

語者豈在逸篇乎文選注引及古文周書穆王事龜書

殷書正義漢張霸偽造尚書百兩篇而為緯者附

之鄭作書論依尚書緯云孔子求書得黃帝玄孫帝

四十七

三法卷三二

壬

魁之書迄於秦穆公凡三千二百四十篇斷遠取近定可為世法者百二十篇以百二篇為尚書十八篇為中候去三千一百二十篇

公羊疏公羊以為哀

公十四年獲麟之後孔子得端門之命乃作春秋按閔因叙云昔孔子受端門之命制春秋之義使子夏

等十四人求周史記得百二十國寶書九月經立感

精符考異郵說邇辭具有其文如楚之書鄭之志魯

之春秋魏之紀年此其可言者又引詳見古史墨

子吾見百國春秋周公朝讀書百篇左傳哀三年

周宮敬叔命周人出御書注周人司周書典籍之官

史記周紀周太史伯陽讀史記曰云云正義諸國

皆有史以記事十二諸侯表太史公讀春秋歷譜

謀至周厲王曰云云孔子西觀周室論史記舊聞興

於魯而次春秋左立明因孔子史記具論其語六

國表秦燒詩書諸侯史記尤甚為其有所刺譏也詩

書復見者多藏人家而史記獨藏周室以故滅惜哉

獨有秦記不載日月其文畧不具陳如古者諸侯

志小史掌之而藏謂至曾人所謂周史是也陳

世家孔子讀史記至楚復陳韓非子周記曰無尊

大臣以擬其主國晉語晉史之記曰唐叔之世將

如商數嗣續其祖如穀之滋西方之書有之曰懷與安
實疾大事注西方謂周也

之記曰古者胎教漢志小說家青史子五十七篇

古史官記事也青史子書隋志梁有青史子一

卷文心彫龍青史曲綴於街談莊子孔子西藏

書於周室又金版六弢釋文皆周書篇名蘇秦讀周

書陰符左傳注轡之柔矣逸詩見周書疏彼引詩

云馬之剛矣轡之柔矣馬亦不剛轡亦不柔志氣庶

庶取與不疑其書今在文非尚書之類左傳正義沈

氏云嚴氏春秋引觀周篇云孔子將脩春秋與左丘

明乘如周觀書於周史歸而脩春秋之經丘明為傳

共為表裏蜀志秦宓曰書非史記周圖仲尼不采

漢九家書三家經文

藝文志書九家四百一十二篇入劉向稽疑一篇注

古文經四十六卷孔安國作傳疏經二十

九卷大小夏侯二家歐陽經三十二卷師古曰二

傳四十一篇即伏生歐陽章句三十

一卷大小夏侯章句各二十九卷大小夏侯解詁二

十九篇歐陽說義二篇劉向五行傳記十一卷許商

五行傳記一篇周書七十一篇議奏四十二篇石渠

論孔子纂凡百篇而為序言作意秦燔書濟南伏生
勝獨壁藏之漢興亡失得二十九篇古文出孔壁多
十六篇劉向以中古文校歐陽大小夏侯三家經文
酒誥脫簡一召誥脫簡二文字異者七百有餘脫字
數十劉向曰孝文始使鼂錯從伏生受尚書秦燔後
百酒誥之篇俄空焉今云夫皆與古文不同禮記仲
以咸有一德尹牙為尹告君雅司馬遷以盤庚為帝
首豪夏侯以馮夷為鍾缺唐虞中百篇
云官一劉歆引伊訓証貨有收方
漢書曰自古書契之作而有史官其載籍博矣至孔
氏纂之上繼唐堯下訖秦繆唐虞以前雖有遺文其
語不經故言黃帝顓帝之事未可明也

漢古文尚書

藝文志尚書古文經四十六卷為五十七篇注師古

國書序云凡五十九篇為四十六卷承詔作傳引序
各冠篇首定五十一篇鄭玄叙贊云後又亡其一
故五古文出孔子壁中皆古字也語孔騰漢記尹敏

傳藏安國孔子後世孫悉得其書攷二十九篇得多
十六篇獻之遭巫蠱事未列于學官儒林傳孔氏

有古文尚書安國以今文字讀之逸書得十餘篇遭
巫蠱未立學官安國授都尉朝司馬遷亦從安國問
故遷書載堯典禹貢洪範徽子金縢諸篇多古文說

朝授膠東庸生。生授胡常。五十九篇其一是

世所傳百兩篇。出東萊張霸。分析合二十九篇為數。

十。采左氏傳書叙為作首尾。凡百二篇。文意淺陋。成

帝時。以中書校之。非是。注中書天子黜其書。**隋志**

古文尚書十三卷。唐志崇馬融注十一卷。鄭玄注九

卷。唐志王肅注十一卷。唐志晉范甯注古文舜典一

卷。唐志任孝恭古文大義五卷。杜林傳古文賈逵作訓馬

融作傳。鄭玄為注。然其所傳唯二十九篇。雜今文。非

孔舊本。晉世祕府所存。有古文尚書經文。今無傳者。

正義安國傳不行。張霸之徒。偽作舜典。汨作九共

大禹謨。益稷。五子之歌。胤征。湯誥。咸有一德。典寶伊

訓。肆命。原命。武成。旅獒。罔命。二十四篇。除九共九篇。

共卷為十六卷。故以伏生二十八篇分出舜典。益稷

盤庚二篇。康王之誥。及秦誓三篇。為三十四篇。合於

孔氏五十八篇。四十六卷之數。志云。古文又多十六

篇。篇即卷也。即是偽書。二十四篇不見。孔傳。劉向班

固。劉歆。賈逵。馬融。皆不見。真古文。而誤以此為古文。

馬鄭諸儒皆謂其學見於鄭玄亦不見之。鄭注書仲

甲說命等見在而云其鄭玄亦不見之。鄭注書仲

而說命等見在而云其鄭玄亦不見之。鄭注書仲

百書四十一篇。贊云。三利之條。五宗之編。次及序為文。鄭依

賈氏所奏別錄為新次論云注禮記尚書引今尚書所有之
文皆曰逸書桓譚新論云注禮記尚書引今尚書所有之
服虔杜預皆不之見注左傳亂其紀綱云百葉在茲

不寧失在明皇天無不集于房注左傳亂其紀綱云百葉在茲
趙岐注孟子天子降下民之所祭六國畏其力注左傳亂其紀綱云百葉在茲

所傳三十四篇謂之今文則夏侯勝夏侯建歐陽和
伯三家所傳及蔡邕所勒石經是也注左傳亂其紀綱云百葉在茲

劉歆賈逵馬融等所傳是也注左傳亂其紀綱云百葉在茲
劉歆賈逵馬融等所傳是也注左傳亂其紀綱云百葉在茲

孔學云十六篇逸與安國不同者良由孔注之後其
書散逸傳注不行庸生賈馬等惟傳孔學經文三十

三篇鄭與三家同題曰古文尚書篇與夏侯等同而
經字多異晉王肅注書始似竊見孔傳注左傳亂其紀綱云百葉在茲

晉皇甫謐得其書載於世紀鄭冲得而傳之授蘇愉
愉授梁柳柳即謐之外弟也授臧曹曹授梅嘖一作嘖奏

上其書時元帝亡舜典一篇自世乃命以位乃取王肅注

齊建武四年姚方興於大航頭得而獻之事亦隨寢

皇二年募遺典乃得其篇自漢武至隋開皇凡六篇

正義又曰史記及儒林傳云伏生獨得二十九

書

篇以教齊魯則今之泰誓非初伏生所得鄭玄書論云民間得泰誓別錄曰武帝末得於壁內獻之與博士使讀說之數月皆起傳以教人房宏等說云宣帝元年河內女子有壞老人屋得古文泰誓三篇今史漢書皆云伏生則司馬遷時已得泰誓以并歸於伏生不得云宣帝時始出也書是本名尚是伏生所加

伏生本二十八篇盤庚出二篇加舜典益稷康王之誥凡五篇為三十三篇加所增二十五篇為五十八加序一篇為五十九為例有十曰典謨貢歌誓誥訓命征範孔依壁內篇次及序為文鄭依賈氏所奏別

四百七

錄為次百篇次第孔傳三十三篇與鄭注同二十五

篇增多鄭注畢命正義漢初不得比篇有偽作其

書以代之者漢律曆志云康王十二年六月戊辰朔

三日庚午故畢命豐刑曰惟十有二年六月庚午朏

王命作策書豐刑此偽作者不知豐刑之言何所首

也鄭康成曰今其逸篇有冊命霍侯之事不同與此

序相應非也康成所見又似異於豐刑皆妄作也

君奭正義鄭玄不見周官之篇言此師保為周禮師

氏保氏大夫之職言賢聖兼此官無逸疏鄭玄云祖

東哲云尚書序將治亳殷孔子壁中尚書云將始宅

春秋正義今尚書大誓謂漢魏諸儒馬融鄭玄王
肅等所注者漢初尚書唯得二十八篇故大常孔臧
與孔安國書云二十八篇前世以為放二十八宿不
知有百篇也後又得偽大誓一篇通為二十九篇漢
魏未立於學官馬融尚書傳序去大誓後得按其文
似若淺露書傳所引大誓不在大誓者甚眾畧舉五
事以明之春秋國語孟子孫卿禮記王肅亦去大誓
近非本經杜氏在晉初亦未見真本元帝時梅賾始
獻安國所注古文其內有泰誓三篇記傳所引悉有
之漢魏諸儒不見古文因伏生之謬從堯典至胤征

四十六

三十一

凡二十篇摠名曰虞夏書故傳通謂大禹謨以下皆
為夏書杜竹書說伊尹之事與書序大禹按王肅注尚
書其言多是孔傳疑肅見古文匿之而不言也

後漢紀章帝建初八年十二月戊申詔選高才生受
古文安帝延光二年正月選三舍郎及吏人能通古
文尚書毛詩穀梁春秋各一人傳杜林傳洽多聞
時稱名儒河南鄭興東海衛宏等皆長於古學興嘗
師劉歆林遇之訖然濟南徐巡始事宏後更受林學
林前於西州得漆書古文尚書一卷寶愛之出示宏
等曰林離兵亂常恐斯經將絕何意二子復能傳之

斯道竟不墜於地。宏為作訓旨。於是古文遂行。

孫能讀古 鄭玄從張恭祖受古文尚書。以山東無

足問者。乃西入關。事馬融。賈逵。父徽。受古文尚書。

於塗暉。風俗通曰。塗姓。塗山氏之後。暉 張楷。通古

文。作尚書注。周磐。學古文。洪範。盧植。上書曰。少

從通儒馬融。受古學。願詣東觀。專心研精。合尚書章

句。劉祐。學古文尚書。傳注 尹敏。習歐陽尚書。後

受古文。周防。事蓋豫。受古文尚書。撰尚書雜記。

孔僖。自安國以下。世傳古文尚書。楊倫。師事丁鴻。

習古文尚書。特徵博士。衛宏。從杜林。更受古文尚

書。作訓旨。儒林傳。師古注。引衛宏定。古文尚書。經序。以

洽私 吳志。虞翻。傳奏。鄭玄。解尚書。違失事。且古大

篆。卯字。讀當為柳。古柳卯同。而以為昧。分北三苗。比

古別字。又訓北。猶別也。又云。所注五經。違義尤甚者

六十七事。不可不正。

周禮注書曰。度。西曰柳。穀釋文云。古文宅。與度字相

似。月令疏異義云。今文尚書。歐陽說。古尚書說。

記。緇衣注。古文周田。觀文王之德。為割申勸。寧王之

德。今博士讀為厥。亂勸。寧王之德。三者皆異。古文似

近之。詩鹿鳴箋書曰。厥。籒文黃。疏。鄭禹貢注。引。猶

征曰。篚厥玄黃。鄭不見古文。而引張霸尚書。詩箋又引書曰。天得有立。父母民之有。亦有居。今泰誓文。

詩疏。洪範稽疑論。卜兆有五。曰圍。注云。圍者。色澤光

明。蓋古文作悌。今文作圍。賈逵以今文校之。定以為

圍。鄭依賈氏所奏。天明。疏。太誓。曰。師乃鼓譟。前歌

後舞。格於上。天下地。咸曰。孜孜無怠。疏又引太誓云

司馬在前。王肅曰。司馬太公也。商頌。疏。賈逵。馬融

說尚書云。史記。惟刑之靜哉。注。今文云。惟刑之謚

哉。魯世家。作餽禾。殷紀。小辛立。百姓思盤庚。乃作盤

庚三篇。伯禽作彤誓。索隱。按尚書大傳。作鮮誓。索

隱。古文在治。忽。今文作采。政。忽。史記作夾。始。滑。平。章

百姓。今文作辯。章。春言。東作。夏言。南為。漢郊祀志

太誓曰。正稽古。立功立事。可以永年。丕天之。大律。今

文。後。揚。賜。傳。書。曰。天。齊。平。假。我。一。日。劉。愷。傳

尚書曰。上刑挾輕。下刑挾重。注。與。今。尚。書。不。同。水

經。注。淇。水。又。北。逕。頓。丘。縣。故。城。西。古。文。尚。書。以。為。觀

地。葉氏曰。安國自以博考經傳。採摭羣言。然孟子載伊

訓。造。攻。自。牧。宮。不。言。鳴。條。春。秋。傳。述。五。子。之。歌。衍。率

彼。天。常。一。句。證。康。誥。父。子。元。等。罪。不。相。及。今。文。乃。無

彼。天。常。一。句。證。康。誥。父。子。元。等。罪。不。相。及。今。文。乃。無

有若荀卿引中歸曰諸侯自為得師者王得友者霸
引康誥曰惟文王敬忌一人以擇其繆妄如此禮記
以申勸寧王之德為田觀文王以庶言同則亡繹字
其垂悟如此朱文公曰漢書引秦誓云立功立事
疑即武帝世所得者律歷志所引畢命伊訓字畫有
與古文畧同者疑即伏生口傳而晁錯所屬讀者其
引武成則伏生無此篇必張霸所偽作

漢尚書逸篇

記坊記注今秦誓無此章正義鄭不見古文尚書漢
時別有尚書逸篇四月太子發上祭於畢以下三篇

三卷上

之事隋志徐邈撰古文尚書音一卷尚書亡篇序

一卷梁五經博士劉勣嗣注尚書逸篇二卷出於齊

梁間考其篇目似孔氏壁中書之殘缺者故附尚書

之末唐志徐邈注尚書逸篇三卷書正義錯亂

摩滅四十二篇以不可復知亦上送官張霸之徒於

鄭注之外偽造二十四篇劉向別錄云五十八篇藝

文志云古文又多十六篇篇即卷也

即是偽書劉歆

三統歷論武王伐紂引今文秦誓云丙午逮師武成

越若來三月五日甲子咸劉商王受並不與孔同亦

不見孔傳也賈逵云流為烏與孔亦異董仲舒對策

是武帝時漢律歷志引武成篇云惟一月壬辰至祀
已得之於周廟與此經不同彼是焚書之後有人偽為之漢
世謂之逸書其後又亡其篇鄭玄云武成逸書建武
之際亡謂彼偽武成也孟子注孟子時尚書凡百
二十篇逸書有舜典之叙亡失其文孟子諸所言舜
事皆堯典及逸書所載孟子尚書逸篇之辭以下白虎
通書逸篇曰厥北天子爵尚書亡篇曰太社唯松東
社唯栢南社唯梓西社唯栗北社唯槐北史劉芳
傳尚書逸篇曰太社唯松南史任昉得一篇缺簡
劉顯曰是古文尚書所刪逸篇昉檢周書果如其說

三十一

左傳聖作則慎始而敬終終以不困命以伯禽唐
誥皆策命篇名漢律志先其策命注逸書孔叢

子維高宗報上申微孟子不及貢以政接于有庫
史記恃德者昌恃力者亡說文引逸周書漢

五行志注引逸周書歷志引古文月采篇畢命豐
刑莽傳有書逸嘉禾篇趙岐杜預韋昭注書凡

見於二十五篇之內者皆謂逸書實未嘗逸也
漢尚書三家博士古文尚書古文同異

藝文志歐陽章句三十一卷大小夏侯章句各二十
九卷大小夏侯解故二十九篇歐陽說義二篇訖孝

書

宣世歐陽大小夏侯氏立於學官。後儒林傳前書

伏生傳尚書授歐陽大小夏侯氏三家皆立博士。孔

安國傳古文未得立。前傳贊武帝立五經博士。開

弟子負百有餘年。傳業寔盛。初書唯有歐陽。至孝宣

世復立大小夏侯尚書。平帝時又立古文。

歐陽生字和伯。千乘人。事伏生。授兒寬。寬授生子。世

世相傳。至曾孫高為博士。高孫地餘為博士。論石

渠至歛八世博士。林尊事高為博士。論石渠授

平當。陳翁生當以明經為博士由是有平陳之學。翁生授

殷崇為博士。當授朱普為博士。桓崇受朱普學。

章句四十萬言。浮辭過實。崇入授顯宗。顯宗師事

博士桓榮。學通尚書。世在受尚書於許子威減為二十三萬

言。子郁復刪省。定成十二萬言。由是有桓君大小

太常章句。崇世相傳授代作帝師建寧初詔太

傅三公。選通尚書。桓君章句者。三公舉楊賜侍講。

華光殿。楊震受於桓郁。張酺事崇。丁鴻從

崇。明章句善論難。為都講。牟長習歐陽。拜博士。

著錄萬人。著尚書章句。皆本之歐陽氏。俗號牟氏

章句。宋登教授數千人。尹敏初習歐陽。後受

古文。張魚事朱寵。學歐陽尚書。初牟氏章句。浮

辭繁多

法年師受書於

有四十五萬餘言，與減為

九萬言。

杜喬治歐陽

徐穉學歐陽

鮑六翼

大夏侯都尉

名

從濟南張生

張生受尚書於伏生

傳族子始昌

始昌傳勝勝又事簡卿

兒寬門人

勝從始昌又從

歐陽氏問為學精孰所問非一師宣帝時遷太子

大傅受詔撰尚書論語說賜黃金百斤

師古曰解說其意若

今義疏也志論語魯夏侯說二一精

孔霸事勝為博士周堪事

勝論石渠經最高堪授年卿為博士及許商霸子

光亦事年卿由是有孔許之學商門人炅欽為博

士宋意父京張子雋賈逵以大夏侯教授年

四百

融習大夏侯

吳良習大夏侯學通師法經任博士

小夏侯勝傳從兄子建建師事勝又事歐陽高左右

采獲又從五經諸儒問與尚書相出入者牽引以

次章句具文飾說勝非之曰建所謂章句小儒破

碎大道建亦非勝為學疏畧難以應敵建卒自顯

門名經

張山拊事建為博士論石渠授李尋鄭

寬中張無故秦恭延君假君無故善脩章句恭增

師法至百萬言君論石渠寬中以博士授太子由

是有鄭張秦假李氏之學恭授馮賓為博士

文志說五字之文至於二三萬言注桓譚新論云

秦近君能記堯典篇目兩字之說至十餘萬言但說曰楷古三萬言中興王良習小夏侯

古文周防薦補博士楊倫特召博士晉太興

初尚書鄭氏古文孔氏置博士

儒林傳見寬又受業孔安國初見武帝語經學上曰

吾始以尚書樸學弗好及聞寬說可觀乃從寬問一

篇歐陽大小夏侯氏學皆出於寬後賈逵傳爾宗

好古文尚書逵數為帝言古文與經傳爾雅詁訓相

應詔令撰歐陽大小夏侯尚書古文同異逵集為三

卷帝善之復令撰齊魯韓詩與毛氏異同并作周官

四十一

解詁建初八年乃詔諸儒各選高才生受古文尚書

逵著經傳義詁及論難百餘萬言學者宗之儒林傳出

乘輿服從歐陽氏說公卿以下從大小夏侯氏說元

初六年以歐陽家說更六宗祠隋志三家並立而

歐陽最盛晉永嘉之亂歐陽大小夏侯尚書並亡史記

正義七書正義歐陽夏侯謂父族四母族

三妻族二堯典歐陽大小夏侯說皆云在六者之間

助陰陽變化舜典詩正義異義九族今禮戴尚書

歐陽說云九族乃異姓有親屬者父族四母族三妻

族二古尚書說上從高祖下至玄孫凡九皆為同姓類上帝尚書夏侯歐陽說以事類祭之就南郊引今異義古尚書說云歐陽說古文尚書說百緩周禮疏夏侯歐陽說其罰百率

正義按史記秦時焚書伏生壁藏之後求其書亡數十篇獨得二十九篇以教于齊魯之間而云口以傳授者蓋傳教既久誦文則熟又言裁二十餘篇意以為少之辭又二十九篇自是計卷若計篇則三十四去秦誓猶有三十一劉歆云秦誓後得別錄云武帝時民得於壁內獻之又隋志伏生口傳二十八篇三統

歷引武成粵若來三月武王燎于周廟刑法志引秦誓立功立事皆今文也

尚書大傳

漢藝文志傳四十一篇即大隋志大傳三卷鄭玄

注崇文顧彪撰音二卷伏生作尚書傳四十一篇授

同郡張生張生授千乘歐陽生唐志伏勝注大傳

三卷又暢訓一卷舊唐志尚書暢中興書目按鄭

康成序云蓋自伏生也伏生為秦博士至孝文時年

且百歲張生歐陽生從其學而授之音聲猶有訛

誤先後猶有差舛重以篆隸之殊不能無失生終後

數子各論所聞以己意彌縫其闕別作章句又特撰
大義因經屬指名之曰傳劉向校書得而上之凡四
十一篇至康成始註次為八十三篇 **經典序錄尚**
書大傳三卷伏生作

大傳篇目有九共帝告嘉禾揜誥之類虞傳有九共
引書曰予辯下土使民平平使民無傲殷傳有帝告
引書曰施章乃服明上下又大傳云子夏讀書畢見
夫子夫子問何為於書對曰書之論事昭昭如日月
之代明離離如參辰之錯行禮記周禮注疏白虎通文選注多引大傳
史記 欽協六經異詩索隱云如尚書大傳 **劉向傳**

贊鴻範論發明大傳著天人之應 **後漢五行志五**

行傳注稱鄭玄曰皆出注大傳也 **即顏傳尚書洪**

範記曰月行中道移節應期德厚受福重華留之 **周禮疏書曰**

晉五行志漢文帝時成生創紀大傳 **王制疏伏生書傳有虞夏**

者是濟南伏生書傳文 **王藻疏唐傳云古者有命民有飾車駢馬衣錦**

傳 **詩疏堯典平章百姓書傳作辯章平辯義通** 又引

殷傳 **書正義引伏生書傳** 西伯書傳引

書序伏生口以傳授裁二十餘篇伏生以舜典合於

堯典益稷合於臯陶謨盤庚三篇合為一康王之誥

合於顧命釋文曰即馬鄭所注二十九篇疏泰誓本非伏生所傳武帝世始出而得行史因以入於伏生所傳之內故云一十九篇堯典臯陶謨禹貢甘誓湯誓盤庚高宗彤日西伯戡黎微子牧誓洪範金縢大誥醜誥梓材召誥洛誥多方多士立政無逸君奭顧命呂刑文侯之命費誓秦誓凡二十八篇加泰誓為十九古文增多二十五篇大禹謨至罔命復出五

儒林傳秦時伏生壁藏漢定求其書亡數十篇獨得二十九篇教于齊魯之間孝文詔太常使掌故晁錯往受之注師古曰衛宏定古文尚書序云伏生

老不能正言言不可曉使其女傳言教錯齊人語多與潁川異錯所不知凡十二三畧以其意屬讀而已史記漢定天下伏生求其書亡數十篇獨得二十九篇以教于齊魯之間掌故朝錯受之何比十學於錯

尚書中候

隋志尚書中候五卷鄭玄注梁有八卷今殘缺正

義鄭玄注中候依運斗樞以伏犧女媧神農為三皇

又云五帝帝鴻金天高陽高辛唐虞氏六人名五帝

詩正義中候苗興稱堯受圖書已有稷名在錄

中候合符后云云握河紀說堯考河命說舜契握云

云云洛予命云天乙在亳東觀於洛我應云云稷起

云。蒼耀稷生感迹。南齊志引儀明篇

漢中文尚書

劉陶傳明尚書春秋為訓詁推三家尚書。夏侯勝建
及古文是正文字七百餘事名曰中文尚書。

漢尚書雜記

後儒林傳周防受古文撰尚書雜記三十二篇四十
萬言。張奐傳學歐陽著尚書記難三十餘萬言。

漢鄭玄書贊

正義鄭玄書贊云我先師棘子下生安國亦好此學
衛賈馬二三君子之業又云孔子乃尊而命之曰尚

書。避序名故謂之贊

藝文志注師古曰鄭玄序贊

云後又亡其一篇

書正義鄭玄注書序舜典云入麓伐木注五子之歌
云避亂於洛汭注胤征云胤征臣名又注禹貢引胤
征云厥篚玄黃昭我周王又注咸有一德云伊陟臣
扈曰又注典寶引伊訓云載乎在亳又曰征是三股
又注旅獒謂酋豪之長

漢尚書正經

荀爽傳爽著禮易傳詩傳尚書正經春秋條例又作
公羊問及辯讖

朱文公以諸篇本文為經而復合序篇於後

漢尚書

史通晉廣陵相孔衍以為國史所以表言行昭法式至於人理常事不足備列乃刪漢魏諸史取其美詞與言足為龜鏡者定以篇第纂成一家由是有漢尚書後漢尚書漢魏尚書凡為二十六卷

唐志雜史

類孔衍漢尚書十卷後漢尚書六卷後魏尚書十四卷隋志雜史魏尚書八卷孔衍撰梁十卷成

書傳畧說

禮大行人疏按書傳畧說云天子太子年十八授孟

侯詩正義引之孟侯者四方諸侯來朝迎於郊或可遠郊

勞使世子為之是以孝經注亦云世子郊迎郊迎即

郊勞也彼雖據夏法周亦然玉藻疏按書傳畧說

云祀上帝於南郊即春迎日於東郊王制疏見學

檀弓疏周以至動殷以萌夏以牙公羊疏書

傳畧說

魏尚書釋問

隋志魏侍中王粲尚書釋問四卷唐志田瓊韓益正王

肅尚書駁議五卷唐志云義問三卷鄭玄王肅及晉

博士孔晁撰唐志王肅一卷巢倚百問釋三卷顧尚書釋

問一卷虞氏撰 詩正義引王肅注

晉集解尚書

隋志東晉李顥集解尚書十一卷唐志云尚書新釋

二卷宋姜道盛集釋尚書十一卷唐志云經典序

錄李顥注十卷姜道盛集解十卷范甯集解十卷

正義李顥集注尚書於偽秦誓引孔安國 **南史孔**

子祛著尚書義二十卷集注尚書三十卷

梁尚書大義

隋志尚書大義二十卷梁武帝撰梁志云本有兩秦

伐紂今文 **唐志**任孝恭古文大義二十卷觀兵時事

唐二十五家書

藝文志經錄二曰書類二十五家三十三部三百六

卷始於古文孔安國傳注釋有謝沈王肅范甯李顥

姜道盛鄭玄呂文優王元度傳有孔安國古文伏勝

大傳暢訓劉向洪範五行傳論馬融傳義疏有伊說集

狩費魁蔡大寶劉焯顧彪劉炫孔穎達注逸篇則徐

邈古文大義則任孝恭音義則顧彪王儉王孔之問

谷王粲之釋問顧歡巢狩之百問百釋衛包之今文

終於正義不著錄者王元感糾繆穆元休洪範外傳

陳正卿續尚書崔良佐演範四家二十卷 **隋志**三

十二部二百四十七卷

崇文目七部八十一卷

中興書目二十二家一百八十七卷

續目十二家

百六十六卷 今所傳乃唐天寶所定之本

唐尚書正義

志尚書正義二十卷國子祭酒孔穎達太學博士王

德韶等奉詔撰四門博士朱長才蘇德融助教王士

雄趙弘智覆審書目云永徽四年長正義序古文

經晚行隋初始派河朔其為正義者蔡大寶三十卷

巢獨三卷費魁十卷顧彪二十卷劉焯三十卷劉炫

二十卷諸公文義淺畧唯卓玄最詳雅正觀十六年

奉勅與長才等對敕使趙弘智覆審

穎達因費

存或去隋書顧彪為秘書監士撰古文尚書義疏

二十卷晉伊說義疏四卷唐志述義一

唐今文尚書

隋今字尚書

志今文尚書十三卷開元十四年八月十四日玄宗

以洪範無偏無頗聲不協詔改為無偏無陂天寶三

載七月又詔集賢學士衛包改古文從今文其舊本

仍藏書府隋志古文尚書十三卷今字尚書十四

卷孔安國傳釋文孔氏用隸書寫古文凡四十二

篇亡泗作至毫虞書十六篇十一篇夏書九篇五篇夏書准四篇馬以

五篇為商書四十一篇九篇三十七篇存
七篇存周書四十一篇九篇三十七篇存

義衛宏古文奇字序云秦改古文以為篆隸又曰古
文者蒼頡舊體周世所用之文字自蒼頡至周宣皆
蒼頡之體史籀始有大篆十五篇號曰篆籀惟篆與
蒼頡二體而已秦罷古文而有八體非古文矣以至
亡新六書并八體亦用書之六體以造字於秦八體
用其小篆蟲書摹印隸書去其大篆刻符及書署書
而加以古文奇字大篆非古文蟲書非科斗書也

唐尚書糾繆

志王元感尚書糾繆十卷 會要長安三年三月上

又禮繩愆三十卷春秋振滯二十卷魏知古謂五經
指南

唐尚書演範 洪範外傳

志崔良佐演範卷亡穆元休外傳十卷 元休穆寧父

開元中獻之賜帛授僊師

唐無逸圖

見圖類

唐尚書君臣事迹圖

見圖類 舊紀穆宗即位元和十五年三月壬子召

侍講學士韋處厚路隋於太液亭講毛詩關雎尚書

洪範等篇既罷並賜緋魚

唐李至遠周書

見編年類

唐續尚書 文中子續書

志陳正卿續尚書纂漢至唐十二代詔策章疏歌頌符檄論議成書開元末上之卷亡不著錄蕭穎士

代正卿表尋討載籍始有漢二典次我唐二典以續堯虞之與文景明章之後魏晉宋齊以還南汜有東北起元魏歷周隋洎高氏至聖明總十一代詔策章疏歌頌符檄忠臣之王義武士之權謀類而刊之次

十一

以年代以續夏商秦魯之篇嘗讀貞觀貫錄太宗因聽政之暇觀覽尚書謂侍臣曰朕每庶命唐虞亦思公等齊肩稷契愚臣緬述太宗之旨勒成帝典不亦宜乎王勃傳祖通隋末居白牛溪教門人甚眾起漢

魏盡晉作書百二十篇以續古尚書後亡其序有錄無書者十篇勃補全缺逸定著二十五篇世

子續書一百五十一篇列為二十五卷文中子中說續書始於漢以存漢之徒並受其義貞觀中太原府君考六之序云董薛

晉之實起漢高祖止晉武帝續書帝制命不惟漢有文中子中說續書始於漢以存漢之徒並受其義貞觀中太原府君考六之序云董薛

晉

初志事不無及太熙以天子之義列乎範者四曰制詔

志策大臣之義載乎業者七曰命訓對讀議誠諫

事書至命桓崇其道叔又至邱揮之

白居易補湯征 陳黯作禹誥 蘇綽為大誥

開寶尚書釋文 咸平古文音義

唐陸德明釋文用古文後周顯德六年郭忠恕定古

文刻板尚志定如太祖命判國子監周惟簡等重

修開寶五年二月詔翰林學士李尚志校定上之詔名

開寶新定尚書釋文咸平二年十月乙丑尚志真書摹

印古文尚書音義唐志魏古文暗釋文

並行從之印板猶存請天聖十二

日雕新定釋文晁氏志古文尚書三卷孔又國

以隸古定以隸自漢迄唐行於學官明皇改從今文

由是古文遂絕陸德明獨存其一二於釋文呂大防

得本於宋次道王仲至家以校釋文雖小有異同而

大體相類中興書目六卷考證古文同國史志

唐孝明寫以今字藏其舊本開寶別定今文音義與

古文並行經典序錄近唯崇古文馬鄭王注遂廢

今以孔氏為正其舜典一篇仍用王肅本

景德尚書禮記圖 祥符觀尚書圖 皇

祐無逸孝經圖 紹興無逸圖

見圖類 又見帝學聖文類

唐盧碩以洪範篇書于縑素為章以奏之洪範圖

章 宋朝吳仁傑撰洪範辨一卷增立新圖辨

輟所陳伯達為翼範一卷 仁宗時樞副范雍繪尚

書四代圖進之以備中覽

元祐無逸講義 淳熙尚書講義

書目元祐五年二月壬寅講無逸為侍講司馬康

吳安詩范祖禹等錄進講義一卷 淳熙十六年正

月二十三日太傅史告 講義二十一 守

晁氏志元祐中顏復曰 詩范知言 逸說

命解三卷

紹興三墳訓義

紹興十六年九月六日秘書省言撫州布衣吳沆進

三墳訓義三卷文理可來 晁氏志三墳書七卷張

商英得於比陽民家墳皆古文傳乃隸書所謂三墳

者山氣形也世以為偽撰蓋以比李筌陰符經云

淳熙禹貢論

四年七月九日刑部侍郎程大昌上禹貢論五十二

篇後論八篇詔付秘閣序云天下大水黑水七川者名稱述漢

世傳失實因著論辨證之

書目禹貢論五卷後論一卷專論河

汴二水之患又禹貢論圖五卷因禹貢備論歷代山川郡縣名稱改易以唐世地書為正六昌攷究年代地理等為書譜二十卷

尚書治要圖

中英書目三卷不知作者有月令後漢志中星圖周禮九禮圖等篇取其與尚書參會也

書之意

晁氏志揚繪元素書九卷心一卷斷堯

書費意凡九篇張海紀論明量

之洪範論一卷心王氏洪傳一

一卷二論孫考洪範會傳一卷元本

羣老尚書解十三卷王雱新經尚書十三卷楊時中

立三義辨疑一卷專攷王雱之失蘇軾書傳十三卷駁王氏說為

顏吳范司馬無逸說命解三卷元祐中伊川書

說一卷門人記其師所呂大臨書傳十三卷胡旦尚

書演聖通論七卷國史志王晦叔周書音訓十二

卷

洪範數

蔡沉謂體天地之撰者易之象紀天地之撰者範之

數數始於一奇象成於二偶奇者數之所以立偶者
數之所以行故二四而八八卦之象也三三而九九
疇之數也由是八八而又八之為四千九十六而象
備矣九九而又九之為六千五百六十一而數周矣
易更四聖而象已著範錫神禹而數不傳後之作者
小象數之源室變通之妙或即象而為數或反數而
探象洞極有書潛虛有圖非無作也牽合傳會自然
之數益晦焉嗟夫天地之所以肇一物之所以生萬
事之所以出得莫非數也數一禮言一爻之
於理非窮神之化者焉 八五

曰皇者

極者

邵氏曰唐

其中天而興乎

上

潛夏之探 土口之向中乎聖人刪言自唐虞時之

式

玉海卷第三十七



